



# CORO UGOLINI

---

## STELUTIS ALPINIS

Se tu vens cassù ta' cretis  
là che lôr mi àn soterât,  
al è un splaz plen di stelutis;  
dal miò sanc l'è stât bagnât.

Par segnâl, une crosute  
je scolpide lì tal cret,  
fra chês stelis nas l'arbute,  
sot di lôr, jo duâr cujet.

Cjôl sù, cjôl une stelute:  
jê 'a ricuarde il nestri ben.  
Tu j darâs 'ne bussadute  
e po' plàtile tal sen.

Quant che a cjase tu sês sole  
e di cûr tu préis par me,  
il miò spirt atôr ti svole:  
jo e la stele sin cun te.